

ՀԱՅԿԱԿԱՆ ՍՍՌ
ՔԱՂԱՔԱԿԱՆ ԵՎ ԴԻՏԱԿԱՆ ԴԻՏԵԼՆԵՐԻ ՏԱՐԱԾՄԱՆ
ԸՆԿԵՐՈՒԹՅՈՒՆ

Դյուղատնտ, գիտ. դոկտոր-պրոֆեսոր
Ա. ՌՈՒԽԿՅԱՆ


ՄԻՋՈՒՐԻՆՑԱՆ ԱՆԱՄՆԱԲՈՒՑԺՆԵՐԻ
ՆՎԱՃՈՒՄՆԵՐԸ ԳՅՈՒՂԱՏՆՏԵՍԱԿԱՆ
ԿԵՆԴԱՆԻՆԵՐԻ ՆՈՐ ՑԵՂԵՐ
ՍՏԵՂԾԵԼՈՒ ԳՈՐԾՈՒՄ

Այազյազի տոլխագում կարդացած հրապարակային
դատախոսության աղագրությունը

ՀԱՅԿԱԿԱՆ ՍՍՌ ԳԱ ՀՐԱՏԱՐԱԿԶՈՒԹՅՈՒՆ

ԵՐԵՎԱՆ

1949



24 SEP 2010

ՀԱՅԿԱԿԱՆ ՍՍՌ

ՔԱՂԱՔԱԿԱՆ ԵՎ ԳԻՏԱԿԱՆ ԳԻՏԵԼԻՔՆԵՐԻ ՏԱՐԱԾՄԱՆ ԸՆԿԵՐՈՒԹՅՈՒՆ

Գյուլատնու, գիտ. դոկտոր-պրոֆեսոր
Ա. ՌԻՒԿՅԱՆ

**ՄԻՋՈՒՐԻՆՅԱՆ ԱՆԱՍՆԱԲՈՒՑԹՆԵՐԻ
ՆՎԱՃՈՒՄՆԵՐԸ ԳՅՈՒՂԱՏՆՏԵՍԱԿԱՆ
ԿԵՆԴԱՆԻՆԵՐԻ ՆՈՐ ՑԵՂԵՐ
ՍՏԵՂԺԵԼՈՒ ԳՈՐԾՈՒՄ**

Ալազյազի սովխոգում կաթդացած հրապարակային
դասախոսության սղագրությունը

ՀԱՅԿԱԿԱՆ ՍՍՌ ԳԱ ՀՐԱՏԱՐԱԿԶՈՒԹՅՈՒՆ

Ե Ր Ե Վ Ա Ն

1949

24 JUL 2013

Профессор, доктор с.-х. наук
А. РУХНЯН

**Достижения мичуринцев-животноводов
в деле создания новых пород сельскохозяйственных**

(На армянском языке)

Издание Арм. Общества по распространению
политических и научных знаний

Ереван, 1949 г.

Բնության մեծ վերափոխիչ, սովետական ականավոր բնա-
խույզ, ժամանակակից պրոգրեսիվ բիոլոգիական գիտության
ստեղծող Ի. Վ. Միչուրինի անունը մեր երկրի միլիոնավոր աշ-
խատավորների մեջ անսահման սեր ու հարգանք է առաջացրել
գեպի նա:

Միչուրինի ուսմունքի ուժը կյանքի, սոցիալիստական շի-
նարարության պրակտիկայի հետ նրա ունեցած օրգանական կապի
մեջ է:

Մինչ Միչուրինը բիոլոգիան հայեցողական, նկարագրական
գիտություն էր, որը միայն բացատրում էր բնության երևույթ-
ները: Իսկ Միչուրինից սկսվեց այնպիսի բիոլոգիական գիտու-
թյան ժամանակաշրջան, որը վերափոխում է կենդանի բնու-
թյունը և ակտիվ ու գիտակցօրեն ղեկավարում այն: Ստեղծա-
գործորեն զարգացնելով դարվինիզմը, Միչուրինը բացահայտեց
այն պատճառները, որոնք առաջացնում են օրգանիզմների փո-
փոխականությունը նրանց անհատական զարգացման պրոցե-
սում: Միչուրինն ապացուցեց, որ օրգանիզմների կյանքի պայ-
մանների, նրանց գոյության պայմանների փոփոխման միջոցով
մարդը փոփոխում է նրանց բնույթը, որով և ակտիվորեն ղե-
կավարում է էվոլյուցիոն պրոցեսը:

Միչուրինյան ուսմունքն ելնում է այն բանից, որ բույ-
սերի նոր հատկությունները, որոնք նրանց կողմից ձևոք են
բերվում կյանքի պայմանների ազդեցության տակ, կարող են
փոխանցվել ժառանգաբար: Բույսերի զարգացման մասին Ի. Վ.
Միչուրինի ուսմունքի վրա հենվող սովետական ագրոբիոլոգիա-
կան գիտությունն իր հետագա զարգացումը ստացավ սովետա-
կան ականավոր գիտնական, Վ. Ի. Լենինի անվան Համամիու-
թենական Գյուղատնտեսական Գիտությունների Ակադեմիայի
պրեզիդենտ ակադեմիկոս Տ. Գ. Լիսենկոյի հետադադարացումնե-
րում: Միչուրինի—Լիսենկոյի ուսմունքը ժխտում է մենդելիզմ-
մորգանիզմի ռեակցիոն դրույթը՝ ժառանգական հատկություն-
ները կյանքի պայմաններից անկախության մասին:

«Միչուրինյան ուսմունքը, — գրում է Լիսենկոն, — չի ընդունում օրգանիզմի մեջ օրգանիզմի մարմնից անկախ ժառանգական նյութերի գոյությունը: Օրգանիզմի ժառանգականության կամ նրա մարմնի որևէ մասի փոփոխությունը միշտ հանդիսանում է կենդանի մարմնի փոփոխության արդյունք:

...Օրգանիզմը և նրա կյանքի համար անհրաժեշտ պայմանները ներկայացնում են միասնություն»:

Մեր ժողովրդի նորարական ոգուն խորթ վեյսմանա-մորգանյան բխողիայի և նրա այսպես կոչվող սաղմնային պլազմայի անփոփոխելիության, ժառանգական փոփոխականության պատճառների անճանաչելիության և արտաքին միջավայրի պայմաններից այդ փոփոխականության անկախության մասին ռեակցիոն-րեբալիստական տեսությունների դեմ մղվող պայքարում, մեր երկրում, աճեց միչուրինականների հսկայական բանակ, որը գյուղատնտեսական գիտություն և պրակտիկայի ամենատարբեր բնագավառներում հաջողությամբ իրագործում է Ի. Վ. Միչուրինի ցուցումները գյուղատնտեսական կուլտուրաների նոր սորտեր և գյուղատնտեսական կենդանիների նոր ցեղեր ստեղծելու գործում:

Ի. Վ. Միչուրինի գաղափարներն անասնաբուծության ասպարեզում ամենից հաջող կերպով մարմնացել են ակադեմիկոս Մ. Ֆ. Իվանովի աշխատանքներում: Կենդանիների նոր ցեղեր ստեղծելու գործով մարդիկ զբաղվելիս են եղել վաղուց, սակայն Մ. Ֆ. Իվանովը զստեխնիկական գիտություն պատմության մեջ մտավ նրանով, որ նա, — ինչպես Միչուրինը բուսաբուծության մեջ, — կենդանիների բիոլոգիան խորապես ուսումնասիրելու և այն դիտենալու հիման վրա ստեղծեց կենդանիների նոր ցեղեր ստանալու դիտականորեն հիմնավորված մեթոդ: Մ. Ֆ. Իվանովը ելնում է այն համոզմունքից, որ նոր ցեղեր կարելի է և պետք է ստեղծել միանգամայն սրոշակի կոնկրետ բնապատմական պայմանների համար, և որ այդ պայմանները լճական ազդեցություն են գործում ապագա ցեղի կենդանիների ամբողջ կերպարի և տիպի վրա: Իվանովը հսկայական նշանակություն էր տալիս կերին ու կերակրմանը և վերջինների ազդեցությանը կենդանիների ներքին և արտաքին հատկանիշների վրա: Նա գտնում էր, որ նոր հատկանիշների ստեղծման գործում կենդա-

1
նու օրգանիզմի վրա այդ գործոններն ավելի մեծ ազդեցութիւն
են ունենում, քան կենդանու ցեղը և ծագումը:

Տոհմային աշխատանքում,—գրում էր ակադեմիկոս Իվա-
նովը,—պետք է ստեղծել մաքսիմում բարենպաստ պայմաններ,
մաքսիմում հնարավորութիւններ կերակրման և պահածօքի
պայմանների վերաբերմամբ: Այնպիսի գործոն, ինչպիսին է
կենդանիներին կուտակված (խոնված) վիճակում պահելը, միջկե-
անդամ նրանց լավ կերակրման դեպքում, արտակարգ վատ է
անդրադառնում սերնդի վրա: Գնահատելով կենդանիներին և
նրանցից լավագույնները թողնելով սերնդի համար, Մ. Ֆ. Իվա-
նովը դեկավարվում էր ամենից արդյունատու և այն էլ լավա-
գույն էքստերյեր և լավ առողջութիւն ունեցող կենդանիներին
ընտրութեամբ: Կենդանու կոնստիտուցիան առողջութեան և բարձր
արտադրողականութեան հիմքն է կազմում:

Հետեյալ պահանջը կենդանու խոշորութիւնն է: Այդ տե-
սակետից Մ. Ֆ. Իվանովը խորհուրդ է տալիս սերնդի համար
ընտրել ավելի խոշոր կենդանիներ, քանի որ կենդանու խոշո-
րութիւնը նրա զարգացման, իսկ հետեւապես և բարձր մթերա-
տութեան ցուցանիշն է:

Ինչ վերաբերում է մթերատվութեան հարցին, արտա-
դրանքի (բրդի, մսի, կաթի) որակին, պտղավետութեանը, ապա
Մ. Ֆ. Իվանովի մեթոդիկայում, հարցի այդ կողմին բացառիկ
մեծ ուշադրութիւն էր հատկացվում:

Երկարամյա աշխատանքների շնորհիվ Մ. Ֆ. Իվանովն
Ուկրաինայի հարավում ստեղծեց նրբազեղմ ոչխարների նոր՝
Ասկանյան ցեղ, որը ՍՍՌՄ-ում բացառիկ բարձր գնահատական
է ստացել:

Ասկանյան ցեղը մերինոս ոչխարներից ամենից բրդատու
և ամենից խոշորն է աշխարհում: Խոյերի միջին կենդանի քաշը
կազմում է 113 կգ., մաքիներինը մինչև 72,4 կգ., տարեկան
տված բրդի միջին քաշը՝ մաքիներինը—6,4 կգ., խոյերինը—13,6
կգ. է: Բրդի մաքուր ելքը 45⁰/₁₀₀ է: Պտղավետութիւնը կազմում
է՝ 100 մաքուն—130—150 գառ:

Մ. Ֆ. Իվանովը ռուսական զոոտեխնիկներից առաջինն էր,
որ ոչխարաբուծութեան մեջ կիրառեց գծային բուծումը և ավելի
այդ մեթոդով հստի մեջ զոոտեխնիկական աշխատանք տանելու

տեսական հիմունքները: Ներկայումս գոյություն ունեն այդ ցեղի մի չարք աչքի ընկնող դժեր, որոնց վրա սելեկցիոն աշխատանքը Մ. Ֆ. Իվանովի մահից հետո շարունակում է նրա աշակերտ, այժմ ակադեմիկոս Լ. Կ. Գրեբենը:

Խելամտորեն օգտագործելով այդ նոր ցեղի խոյերն ու մաքիւները, Ասկանիայի ոչխարաբույծները անտարակույս կհասնեն նոր հաջողությունների և հետագա առաջադիմության ասկանիական հոտում:

Մի քիչ ավելի ուշ, Հյուսիսային Կովկասում, ընդիտյոր Յա. Բ. Սլադկեվիչը և Ստալինյան մրցանակի լաուրեատ զոտեխնիկ Կ. Դ. Ֆիլյանսկին ստեղծեցին ոչխարների մի նոր ուշադրավ ներազեղմ Կովկասյան ցեղ, որի համար որպես արտադրողներ նրանք օգտագործեցին Ասկանիական ցեղի խոյեր: Այդ ցեղի ոչխարների միջին խուզը «Բոլշեկի» սովիտոզի հոտում հասցված է մինչև 6,2 կլգ.-ի, խոյերինը մինչև 17,6 կլգ.-ի, ընդ որում մաքիւների կենդանի քաշը 63—68 կլգ. է, խոյերինը 80-ից—122 կլգ.:

Կովկասյան ցեղի ոչխարները, որպես ամենից ավելի արդյունավետ և լավագույն որակի կամվոլ բուրդ տվող կենդանիներ, առանձնակի նշանակություն ունեն ՄՍՌՄ-ի ներագեղմ ոչխարաբուծությունը վերականգնեցնելու համար:

Ստալինյան մրցանակի լաուրեատ ավագ պիտ. աշխատող Գ. Ռ. Լիտովչենկոն սիրիլյան ձմեռվա խիստ ցրտի պայմաններում ստեղծել է ցրտադիմացկուն, առատ, համասեռ և նուրբ բուրդ ունեցող խոշոր ոչխարներ, որոնք ապրոքացիայից հետո ստացել են Ալթայան ցեղ անունը: Այդ ցեղի զոյացման մեջ մասնակցել են կովկասյան և ավստրալիական մերինոսները:

Այդ նոր ցեղի տարբերիչ առանձնահատկությունը, տարեկան 5 կլգ.-ի հասնող իր տված բրդի քանակի հետ միաժամանակ, կամվոլ բարակ գործվածքների համար պիտանի, նուրբ բրդի բարձր որակն է, ինչպես նաև լավ զարգացած մսային հատկությունները, ընդ որում մաքիւների միջին կենդանի քաշը 58—60 կլգ. է, խոյերինը—103 կլգ.:

Ուշադրության արժանի է նաև Ադրբեջանում հին գետաբեկյան մերինոս ոչխարները ռաժրուլյե տիպի ոչխարներով բարելավելու միջոցով Վ. Գ. Սմարագզովի, Ֆ. Ա. Մելիքովի և

Մ. Դ. Սադիխովի ստեղծած նորը ցեղը, որը կոչվում է ադրբեջանական լեռնային ոչխարի նրբագեղմ ցեղ:

Այդ ցեղի արժեքավոր հատկութիւններին մեկը նրա դիմացկունութիւնն է, որը մեծ նշանակութիւն ունի լեռնաարոտային պահվածքի պայմաններում: Մաքիւնների միջին կենդանի քաշը 41,3 կգ. է, խոյերինը—84,6 կգ., տարեկան տված բրդի քաշը՝ մաքիւններինը—4 կգ., խոյերինը—9,3 կգ., բութը բավականին երկար է՝ մոտ 8 սանտ., բարձր մաքուր ելքով (48,4⁰/₁₀):

Մեր երկրում վերջին 10 տարիների ընթացքում ստեղծված այլ նշանավոր ցեղերի թվում ուշագրութեան արժանի է զագախակաճ նրբագեղմ ոչխարը, որը ստեղծել է Ստալինյան մրցանակի լաուրեատ Վ. Ա. Բալմոնտը: Այդ ցեղը ստեղծված է շուրջ տարվա արոտային պահվածքի պայմաններում, որի հետևանքով նա աչքի է ընկնում կոնստիտուցիոնալ մեծ ամբակազմութեամբ ու հարմարվածութեամբ Ղազախստանի ՍՍՌ-ի տեղաշրջիկ ոչխարաբուծութեան պայմաններին: Այժմ այդ ցեղը լայնորեն ներդրվում է կոլտոգային արտադրութեան մեջ: Ղազախական նրբագեղմ ոչխարի արդյունավետութեան մասին պատկերացում են տալիս հետևյալ տվյալները՝ խոյերի կենդանի քաշը միջին թվով հավասար է 100 կիլոգրամի, մաքիւններինը—60—65 կգ.-ի, գեղմի քաշը 3,6—4,5 կգ.-ի: Բութը համասեռ է, 53—56⁰/₁₀-ի մաքուր ելքով, որակն ըստ Բրոդֆուրդի սխեմի 60—64:

Ներկայումս Վ. Ա. Բալմոնտի ղեկավարութեամբ աշխատանքներ են տարվում և արդեն դրական արդյունքներ են ստացված ղազախական մսա-բրդատու ցեղի ոչխար ստեղծելու, ինչպես նաև ոչխարների Դեղերեսյան և Սարաջինյան ցեղերի բարելավման սուպարեզում:

Հաջողութեամբ է ավարտված Ստալինյան մրցանակի լաուրեատ Ա. Վ. Վասիլևի ղեկավարութեամբ Կուլբիշևի մարզում տարած բողմայա աշխատանքը ոչխարների նոր վաղահաս կիսակոշտաբուրդ ցեղ ստեղծելու ասպարեզում: Այդ ցեղը կոչվում է Կուլբիշևյան մսա-բրդատու ցեղ: Նա ստեղծված է տեղական Չերկասյան ցեղի և Ռոմնի-մարշ ցեղի ոչխարների վերարտադրական խաչաձևման միջոցով Կուլբիշևի մարզի Կոշկինյան Պետտոհմարոծարանի ղործունեութեան շրջանի կոլտոգներում:

Կուլբիշեյան այդ նոր ցեղի ոչխարներն իրենց լավ մասային ձեերի հետ միաժամանակ օժտված են բարձր կենդանի քաշով, որը խոյերի մոտ հասնում է 102 կգ.-ի, մաքրներինը՝ 73 կգ.-ի: Կուլբիշեյան ցեղի ոչխարների գեղմը հիմնականում շտապելային կազմութուն ունի, բուրդը լիովին համասեռ է, բավարար խտությամբ և 15 սմ միջին երկարությամբ: Խոյերի տարեկան տված բրդի քաշը հավասար է 5,5 կգ.-ի, մաքրներինը—4,1 կգ.-ի, բրդի մաքուր ելքը 60% է:

Հանդիսանալով հայրենական վաղահաս կիսակոշտաբուրդ տեղական ոչխարների առաջժ գեռ միակ ցեղը, կուլբիշեյան ոչխարը պետք է մեծ դեր խաղա այն շրջաններին տոհմային կենդանիներ մատակարարելու գործում, որտեղ պետք է դարգացվի մսա-բրդատու ոչխարաբուծութունը:

Մսա-բրդատու ոչխարներ ստեղծելու ասպարեզում Գորկու մարզում նման աշխատանք է անցկացրել գեյգենտ Կապադինսկայան: Նրա ստեղծած ոչխարները բարձր գնահատական են ստացել ՍՍՌ-ի Դյուդատնտեսության Մինիստրության Զոոտեխնիկական Խորհրդի կողմից և այժմ գտնվում են ապրոքացիայի շրջանում՝ որպես նոր ցեղի ոչխարներ:

Վերջապես, Վրացական ՍՍՌ Անասնապահության ինստիտուտի ավագ դիտ. աշխատակից Ստալինյան մրցանակի լաուրեատ ընկ. Նատրոշվիլին ստեղծել է ճարպապոչավոր ոչխարների նոր ցեղ, որը կոչվում է վրացական ոչխար: Այդ ցեղի ոչխարները տալիս են 2,5—կգ. բուրդ և բավականին համասեռ կիսակոշտ բրդի հետ միաժամանակ աչքի են ընկնում մեծ կենդանի քաշով՝ մաքրներինը—50 կգ., խոյերինը մինչև 90 կգ., պահպանելով տեղական ոչխարների համար ճարպավոր պոչը: Ներկայումս այդ ցեղը լայնորեն ներդրվում է Վրացական ՍՍՌ-ի ոչխարաբուծական շրջանների մի շարք կոլտոյներում:

Կաթնատու անասնապահության բնագավառում միջուրինյան բիոլոգիայի ամենամեծ նվաճումը խոշոր եղջերավոր անասունի Կոստրովյան նոր ցեղի ստեղծումն է Ստալինյան մրցանակի լաուրեատ Ս. Ի. Շտեյմանի ղեկավարությամբ:

Ս. Ի. Շտեյմանի հաջողությունները պետք է բացատրել առաջին հերթին նրանով, որ «Կարավայեվո» սովխոզում (Մոսկվայի մարզի Կոստրոմայի շրջան) շատ տարիների ընթացքում ուս-

տեմատիկորեն անց է կացվում կոմպլեքսային զոոտեխնիկական միջոցառում՝ մատղաշների ռացիոնալ կերակրման և աճեցման, կթելու ճիշտ կադմակերպման, նպատակադիր և խոր մտածված ընտրության. ինչպես նաև անասունների օրինակելի պահվածքի ասպարեզում:

«Կարճ ասած,—գրում է Շտեյմանը,—տոհմային աշխատանքը հանդիսանում է զոոտեխնիկական այն բոլոր միջոցառումների գումարը, որոնք ուղղված են հոտի բարելավմանը: Եթե այդ շղթայից հանենք թեկուզ նեղ մեկ, միևնույն է թե որ, օղակ, ապա իսկական լրիվ հաջողութուն երբեք չի ստացվի: Այդ կանոններից թեկուզ և մեկի խախտումը կարող է վիժեցնել մյուս, անրասիր կատարվող, կանոնների ազդեցությունը»:

Կոստրոմյան ցեղի արդյունատվության բարձրացման և կատարելագործման գործում Շտեյմանը մեծ նշանակություն է տալիս գործին նվիրված այնպիսի կադրերի ընտրությանը և դաստիարակմանը, որոնք ընդունակ են Միչուրինի օրինակով համբերատար ուսումնասիրել յուրաքանչյուր կենդանու և աշխատել նրա բարելավման վրա:

Եվ նրան հաջողվեց դաստիարակել այնպիսի կադրեր, որոնք երկար տարիներ անընդհատ աշխատելով տեղում, հասան ուշագրավ արդյունքների:

Ինքը Ս. Ի. Շտեյմանը «Կարավայելով» տոհմաբուժական տընտեսությունում աշխատում է 20 տարուց ավելի և նրա հետ միասին տեական ժամանակ աշխատում են շատ բրիգադիրներ և կթվորներ, որոնք իրենց ստացած բարձր արտադրական ցուցանիշների համար արժանացել են Սոցիալիստական Աշխատանքի Հերոսի բարձր կոչման:

Սկսելով աշխատանքը տեղական և չբարելավված կովերի նախրի վրա, Շտեյմանը սերնդի համար թողնում է խոշոր և ավելի բարձր կիթ տվող կովերից ստացված երինջներ: Նա համոզվեց, որ ավելի խոշոր և հզոր մարմնակազմություն ունեցող կովերն ընդունակ են շատ տարիների ընթացքում տալ բարձր կիթ և լավ զարգացած սերունդ:

«Կարավայելոյի» անասնաբույժների ամբողջ պրակտիկական անժխտելի ապացույց է այն բանի, որ կաթի զոյացումը կովի կրծքում ոչ միայն լիարժեք կերակրման, այլև կթելու ռացիոնալ

տեխնիկայի արդյունք է: Կթելու լավ տեխնիկան ուժեղացնում է կաթի գոյացումը, որն առաջ է բերում վերջինի համար անհրաժեշտ նյութերի առհասք գեպի կրծի գեղձերը, և հետևաբար ծախսվող կերերի նորմաների՝ բարձրացում: Խոշոր բարձր մթերատու ուկրոդիստկա կովի մեկ օրում կերած կերի քանակը նրա ամենաբարձր՝ կերի շրջանում կարող է հասնել մինչև 100 կիլոգրամի:

«Կարավայելոյի» աշխատողները միանգամայն ճիշտ պնդում են, որ կթելու ինտենսիվության թուլացումը կարող է առաջացնել կովի ճարպակալում ի հաշիվ կաթնատվության կրճատման, այդ պատճառով էլ կովերի կթելը՝ նրանց կերակրման և պահվածքի հետ հավասարաչափ, կիթերի բարձրացման և ցիդի կաթնատու հատկությունների կատարելագործման հիմքն է: Մշտական աշխատանքը կրծի վրա և նրան մարզելը՝ կթելուց առաջ կործը թարմ, գոլ ջրով լվանալը, մաքուր սրբիչով սրբելը, կթելուց առաջ և կթելու ժամանակ թեթեակի մասսաժը, հմուտ, հանդարտ և արագ կթելը պայմաններ են կրծի ուժգին զարգացման և, հետևապես, բարձր կաթնատվության համար:

Հոտի կատարելագործման ասպարեզում «Կարավայելոյի» աշխատողների ստացած արդյունքների մասին վառ կերպով խոսում են հետևյալ թվերը. միջին թվով մեկ ֆուրաժային կովի տարեկան կիթը «Կարավայելո» տոհմաբուծական տնտեսությունում կազմում է 6310 կլգ.: Բայց տնտեսությունում կան տասնյակ կովեր, որոնք տարեկան 10.000 լիտրից ավելի կաթ են տալիս: Հավագույն ուկրոդիստկա Պոսլուշնիցա կովը 388 օր տեղող վեցերորդ լակտացիայում տվել է 16.262 կլգ. կաթ, իսկ Սլեսմա կովը առաջին տեղն է բռնում ամբողջ աշխարհում իր տված յուղի արտադրանքով: Նրանից իր ամբողջ կյանքի ընթացքում ստացված է ավելի քան 5000 կիլոգրամ կաթնայուղ: Նա կենդանի է և շարունակում է բարձրացնել իր ուկրոդը:

Այդ տնտեսությունում մեծ ուշադրություն է հատկացվում կենդանիների մարմնակազմությանը և առողջությանը, հատկություններ, սրտնք ապահովում են կյանքի տեղումը և բարձր արտադրողականությունը: Այդ կովերից շատերն իրենց ամբողջ կյանքի ընթացքում տվել են 10—14 հորթ և մինչև 100.000 լիտր կաթ:

Այդ նույն Կոստորոմյան ցեղի կովերի կենդանի քաշը միջին թվով, ամբողջ նախրի վերաբերմամբ վերցրած, կազմում է 649 կգ.:

Սակայն տնտեսությունում կան նաև տասնյակ կովեր, որոնց կենդանի քաշը հասնում է 700—800 և նույնիսկ 900 կիլոգրամի:

Շտեյմանի այդ բոլոր նվաճումները՝ բացատրվում են նրանով, որ նա Միչուրինի—Լիսենկոյի ուսմունքի հիման վրա կենդանիների առատ ու լիարժեք կերակրում և մատղաշի նպատակադիր դաստիարակում էր կիրառում:

Որպեսզի կովը կարողանա իր ամբողջ կյանքում բարձր կիթ տալ, նա պետք է օժտված լինի նյութերի բարձր փոխանակության ընդունակությամբ: Կենդանու օրգանիզմում դա ստեղծվում է վաղ հասակից սկսած՝ համապատասխան կերակրման և պահվածքի միջոցով: «Կարավայելո» սովորողում, որպես կանոն, հորթերին այնպես են աճեցնում, որպեսզի նրանք իրենց կաթնային շրջանում օրական 850—900 գրամ աճ ունենան: Բայց մենակ առատ կերակրումը բավական չէ ամրակաղմ, հզոր և առողջ կենդանի աճեցնելու համար:

Աճող կենդանիների պահվածքի և կերակրման ռեժիմը պետք է լինի այնպիսին, որպեսզի թոքերի, սրտի և կենսակունորեն կարևոր մյուս օրգանների զարգացումն ընթանա նյութերի բարձր փոխանակության մակարդակի վրա: Մատղաշի աճեցման և դաստիարակման ժամանակ անասնաբույժի խնդիրն այն է, — մատնանշում Ս. Ի. Շտեյմանը, — որպեսզի մատղաշին նախապատրաստի ռեկորդիստկաների օրգանիզմի համար ուրույն հանդիսացող լարված աշխատանքի, զարգացնի մարտդական և շնչառական ապարատները և սրտի գործունեությունը, մշակի կայունություն արտաքին միջավայրի անբարենպաստ ներդրածությունների հանդեպ:

Այդ տեսակետից մեծ ուշադրություն է արժանի Ս. Ի. Շտեյմանի մշակած և նրա կողմից հաջողությամբ կիրառվող՝ հորթերի այսպես կոչվող. ոսուր դաստիարակման մեթոդը:

Սովորական հորթանոցներում աճեցնելիս՝ մինչև անգամ առատ կերակրման դեպքում՝ հորթերը զարգանում են թույլ, անընդունակ են լինում դիմադրելու արտաքին անբարենպաստ

ազդեցություններին և սոսամսքսային և թոքային հիվանդությունների նկատմամբ դառնում են դյուրագգաց:

Հաշվի առնելով այդ հանգամանքը, Ս. Ի. Շտեյմանը փոխեց հորթերի ձմեռային պահվածքի եղանակը, և մոտեցնելով դաստիարակման շրջակացությունը բնական պայմաններին, որոշեց մատղաշ կենդանիների առատ կերակրումը նրանց ծնվելու առաջին իսկ օրից զուգորդել ձմեռ ժամանակ նրանց չտաքացվող շենքերում պահելու հետ: Հորթերը պահվում են ընդարձակ և օդի մեծ կուբատուրա ունեցող շենքերում, որտեղ ջերմաստիճանը լինում է մինչև մինուտ 10—15°, հորթերի տակը առատությամբ ցամքար է փռվում: Այդպիսի պայմանների շնորհիվ հորթերը միշտ շնչում են մաքուր, թարմ օդ:

Հիվանդությունների հարուցիչները (միկրոօրգանիզմները) մինուտ ջերմաստիճանում չեն դարդանում, ցածր ջերմաստիճանը հորթերի մեջ շարժման պահանջ է առաջացնում և պայմանավորում է սրտի և թոքերի լավ աշխատանքը, որին նպաստում է նաև լավ սնունդը:

Սկսած 1932 թվից, հորթերի և մատղաշի դաստիարակման նոր մեթոդը ներդնելուց հետո, «Կարավայելո» սովորում հորթերի անկումներ չեն կղել:

Կենդանիներին սերնդի համար ընտրելիս՝ Շտեյմանը դեկավարվում է յուրաքանչյուր կենդանուն առանձին մանրակրկիտ և երկարատև ուսումնասիրելու սկզբունքով: Կենդանուն կոմպլեքսորեն զնահատելու համար բավական չէ իմանալ նրա քանակական ցուցանիշները (կիթը, կենդանի քաշը և այլն), և այդ պատճառով Շտեյմանը զնահատման մեջ ներառում է և քանակական հատկանիշները՝ լակտացիայի ընթացքը, ցամաքելու առանձնահատկությունները, կիթերի աճը տարրեր հասակում և այլն:

«Եթե կովի էքստերյերում,—ասում է Շտեյմանը,—կան որոշ արատներ, ապա 2—3 հազար կիլոգրամ կիթի դեպքում նրանք այնքան էլ ուժեղ չեն արտահայտվում: Բայց արդեն 8—12 հազար կիլոգրամ կիթի դեպքում ամենափոքր արատներն էքստերյերում արտահայտվում են շատ ուժեղ»:

Այդ պատճառով Ս. Ի. Շտեյմանը հատուկ ուշադրություն է դարձնում կենդանիների խոր և լայն կրծքի, ամուր մեջքի և

ծավալուն կրծի համար բավականաչափ, ոտքերի լայն զրվածքը պայմանավորող երկար ու լայն զավակի վրա:

«Կարավայելո» տոհմաբուժական տնտեսություն կուեկտիվի այդ բոլոր նվաճումները Միչուրինի—Լիսենկոյի առաջավոր ուսմունքը անասնաբուժության մեջ ներդնելու մի վառ օրինակ է, այդ պատճառով այդ փորձի լայն օգտագործումը կօգնի անասնաբույժներին արագացնելու մեր անասունների ցեղերի կատարելագործումը:

Խոշոր եղջերավոր անասունի մթերատվության բարձրացման ասպարեզում մեծ աշխատանք է տարված ՍՍՌ Միության մի շարք ուրիշ շրջաններում, որի հետևանքով մեր սոցիալիստական անասնապահության վերջին տարիներում հարստացավ այնպիսի բարձր աբդուենտու ցեղերով, ինչպիսիք են Գորբատովյան կարմիր, Գուրգանյան և Լերեդինյան ցեղերը և այլն:

Նոր ցեղեր ստեղծելու գործում աչքի ընկնող նվաճումներ կան ձիաբուժության և հայրենական ձիաբուծարանային գործի զարգացման բնագավառում:

Այսպես, Տերսկյան և Ստավրոպոլյան ձիաբուծարանների կուեկտիվը կարողացավ օգտագործել ստրելեցյան ձիու՝ անցյալից մնացած, փոքրիկ ֆոնդը և բարդ խաչասերման ճանապարհով, դաստիարակման, կերակրման և պահածքի միչուրինյան մեթոդով կարողացավ վերափոխել նրան նոր ցեղի, որը կոչվում է Տերսկյան:

Սովետական Միության մարշալ Ս. Մ. Բուդյոննու ղեկավարությամբ Տերսկյան ձիաբուծարանում հավաքվել է ստրելեցյան ձիու ամբողջ ֆոնդը և նրանք խաչաձևել են Դոնի, Կաբարդինյան, իսկ հետագայում արաբական ձիերի հետ:

Այդ ցեղի ստեղծման ժամանակ կիրառվել է ազգակցական բուծում, սակայն երամակային պահվածքի և օրգանիզմը կուեկտիվ շնորհիվ հաջողվեց ստեղծել շատ զիմացկուն, առողջ և աշխատունակ, բացառապես մի երանդի և մի տիպի հեծկան ձիեր:

Բուդյոննու անվան և 1-ին Հեծելազորային Բանակի անվան ձիաբուծարաններում, դարձյալ Ս. Մ. Բուդյոննու ղեկավարությամբ, ստեղծված է ուրիշ աչքի ընկնող ցեղ, որը կոչված է Բուդյոնովյան:

Ձիերի Բուդյոնովյան ցեղի ստեղծման աշխատանքով հե-

առաջնորդվում էր մի նպատակ՝ ստեղծել այնպիսի ձի, որի մեջ գուգորդվեր բարձր և բազմակողմանի արտադրողականություն հատկություններ՝ արագ վազելու աչքի ընկնող հատկությունը, ինչպես նաև դիմացկունությունը և հարմարվածությունը խիստ կլիմայական պայմաններին և երամակային պահվածքին:

Բուդդյոնովյան ցեղի ձին ստեղծվել է հեծկան վարգուհի ձիերի հատուկ ընտրած ներկայացուցիչները Դոնի ցեղի ձիերի հետ խաչաձևելու շնորհիվ:

Դրանցից հեծկան վարգուհի ձիերը աչքի են ընկնում իրենց արագավազությունը, բայց նուրբ են և կերի նկատմամբ պահանջկոտ: Դոնի ձիերն, ընդհակառակը, աչքի են ընկնում իրենց ամրակազմ կոնստիտուցիայով, հոծ մարմնակազմությամբ, բայց ոչ այնքան ընդունակ արագ վազելու:

Այդ երկու ցեղերի հիմնական օգտակար հատկանիշները խառնածինների մեջ համատեղ զարգացնելու համար ստեղծված են եղել ձիերի աճեցման նոր պայմաններ, այսպես կոչվող պահվածքի կուլտուրական-երամակային մեթոդ, որը թույլ է տվել խառնածինների մեջ միաժամանակ զարգացնել Դոնի և անգլիական ցեղերի օգտակար հատկությունները, որոնք առաջ անհամատեղելի էին թվում:

Հետագա տոհմային աշխատանքի ղեկավարում Բուդդյոնովյան ցեղի ձիերի բարձր աշխատունակությունն ու արագավազությունը նպաստում էին մատղաշի մարզանքն ու փորձարկումը իպպոդրոմներում, արոտավայրերում ձիերին մշտական շարժման մեջ պահելը, առատ կերակրումը, ինչպես նաև ընտրությունն ու հարմար ընտրումը, որոնք անց են կացվել այդ հատկությունները հետագա սերունդներում ամրապնդելու համար:

Բոլորովին նորերս, Հայրենական Մեծ պատերազմից անմիջապես հետո, ավարտվեց ծանրաքաշ ձիերի հայրենական ցեղ ստեղծելու աշխատանքը: Այդ ցեղը կոչվում է Վլադիմիրյան: Վլադիմիրյան մարզի գյուղացիները վաղուց ի վեր ձգտում էին ստեղծել ձիերի այնպիսի ցեղ, որը պիտանի լիներ քաղաքային տրանսպորտի և դաշտային ծանր աշխատանքների համար: Փորձարկվել էին արտասահմանյան շատ ցեղեր, բայց դրանցից ոչ մեկը հարմար չէր: Նրանք անչափ նուրբ էին, թույլ ու փուլար մկանակազմով և ոտքերի մշտական հիվանդություններով:

Սովորած լինելով իրենց հայրենիքում ախտալին պահ-
վածքին, նրանք արոտավայրերում շատ վատ էին ուտում կերը
և վատ էին դիմանում մեր հյուսիսային կլիմային:

Տեղական ձին ծանրաքաշ ձիերի հայտնի ցեղերի հետ խա-
չաձևելու և ստացված սերնդի նպատակադիր դաստիարակման և
ընտրության հիման վրա վլադիմիրյան ձիարույծները ստեղծե-
ցին ծանրաքաշ ձիերի նոր ց. դ, որը փորձարկումների ժամա-
նակ ցույց տվեց ծանրություններ քաշելու ավելի բարձր ընդու-
նակություններ, քան արտասահմանյան որևէ ցեղի ձի:

Վլադիմիր քաղաքում 1946 թվին անցկացված փորձար-
կումների ժամանակ լավագույն հովաստակները փոխադրել են
հետևյալ ծանրությունը. Գրանիտը՝ 10,5 տոննա, Բարկետը՝ 9 տոն-
նա, Շարոնն՝ 8 տոննա, Պերեց հովաստակը լծասարքում 1,5 ժա-
մում անցել է 10 կիլոմետր տարածություն, քաշելով 4 տոննա
բեռ: Այդ ցեղի մի ձին հեշտորեն քաշում է երկու միջակ ձիու
գութան, 6—8 ժամվա ընթացքում հերկելով մեկ հեկտար հո-
ղամաս: Այգպիսի մի ձին գյուղամիջյան ճանապարհով 2—2,5
տոննա բեռը 15—20 կիլոմետր տարածությամբ քաշում է առանց
հանգստի: Այսպիսով, մի այգպիսի ձին անտեսությունում, տը-
րանսպորտում և հրետանիում ընդունակ է փոխարինել երեք
միջակ ձիու:

Խոզարուծության որակական ցուցանիշների բարելավման
միջոցառումների մշակման գործում ակտիվ մասնակցություն են
ունեցել ղոռաեխնիկները և մեր երկրի գիտնականները, որոնք
արտադրության հարցերը լուծում են հաշվի առնելով սոցիալիս-
տական անասնապահության առաջավորների փորձը: Ակադեմի-
կոս Իվանովը մշակեց վերարտադրական խաչաձևման տեսու-
թյունն ու պրակտիկան և այդ հիման վրա ստեղծեց խոզերի մի
շարք նոր ցեղեր, որոնց թվում արժանի հոշակ է վայելում
ուկրաինական տափաստանային սպիտակ ցեղը, որը ստացվել է
ուկրաինական տեղական ապիտակ խոշոր ցեղի խոզերի հետ կա-
տարվող խաչաձևումների հիման վրա:

Սելեկցիայի՝ ընտրության և ծնողական զույգերի հարմար
ընտրման ամբողջ աշխատանքը միջուրինյան գենետիկայի ոգով
անց է կացվել կենդանիների լավ կերակրման, պահվածքի և մատ-
ղաշների նպատակադիր դաստիարակման սլայմաններում: Այդ

ցեղի չափահաս վարազների կենդանի քաշը հասնում է միջին թվով 353 կիլոգրամի, մերսեններինը 233 կլգ.-ի, պաղապկառությունը միջին թվով հավասար է մեկ ծնին՝ 11 խոճկուր։ Այդ ցեղի հիման վրա գործում և հաջողությամբ աշխատում են մի շարք պետտոհմարուծարաններ։

Վերջին տարիներս ակադեմիկոս Գրեբենը հաջող աշխատանքներ է տանում այդ ցեղից նոր՝ ուկրաինական տավառտանային չալիկ ցեղ ստանալու ուղղությամբ։

Տոհմային աշխատանքի վերաբերյալ ակադեմիկոս Իվանովի մշակած մեթոդիկայի և խառնածին խողերի հոտերում այդ մեթոդիկան լայնորեն օգտագործելու հիման վրա հաջողվեց ստեղծել աչքի ընկնող այնպիսի ցեղեր, ինչպիսիք են Սիրիրյան Հյուսիսային ցեղը, Միրգորոդյանը՝ Ուկրաինայում, Լիվանյան և Բրեյտովյան ցեղերը Յարոսլավլի մարզում։ Ներկայումս պրոֆ. Ռեդկինը հաջող աշխատանքներ է տանում խողերի Իւււկյան ցեղ ստեղծելու ասպարեզում։ Մաքուր բուծման հետ միաժամանակ խողարուծության մեջ լայնորեն կիրառվում է արդյունաբերական խաչաձևումը՝ վաղահաս և հեշտ բովող խողեր ստանալու համար։

Դյուղատնտեսական կենդանիների նոր ցեղեր ստանալու գործում զգալի աշխատանք է կատարված և Հայաստանում։

Այսպես, Ալադյադի սովխոզում, պրոֆ. Ռուսկյանի ղեկավարությամբ և կրտսեր գիտ. աշխատակից Բադալյանի ու սովխոդի ավագ զոոտեխնիկ Իդիթյանյանի անմիջական մասնակցությամբ, վերաբրտադրական խաչաձևման և համապատասխան նպատակադիր դաստիարակման մեթոդով ստեղծված է ճարպապոչավոր կիսակոշտարուրդ նոր տիպի ոչխար։

Անցկացված տոհմային միջոցառումների շնորհիվ նոր տիպի ոչխարների հոտը մի շարք տարիների ընթացքում սիրտեմատիկարար կատարելագործվում էր և այժմ ձեռք է բերված հոտի բավականին բավարար միատիպիկություն ինչպես ըստ կենդանիների մարմնակազմության տիպի, այնպես և ըստ նրանց արտադրողականության։ Նոր ցեղի ոչխարներն աչքի են ընկնում իրենց բարձր կենդանի քաշով, որը միջին թվով կազմում է՝ խոյերինը—85—100 կլգ., մաքիներինը—53—60 կլգ., ոչխարներն ունեն բնորոշ և լավ զարգացած ճարպավոր պոչ։

Մաքիները տալիս են տարեկան 3 կլգ. բուրդ, որի մա-

քուր ելքը 58⁰/₀-ից բարձր է: Իրեն սրակով բուրդը երկար է՝ 10—11 սմ, լիովին համասեռ, կիսանուրբ, որակը 56—58 ըստ Բրոդֆորդի սխեմի և միանգամայն պիտանի է կամվոլ մանվածքի համար:

Այդ ոչխարներն աչքի են ընկնում մսա-ճարպային լավ հատկություններով, իսկ կաթնատվությամբ չեն գիջում տեղական լավագույն Մազեխ և Բալբաս ցեղերի ոչխարներին, կաթնատվության շրջանում տալով միջին թվով 50—60 լիտր կաթ: Վերջապես, իրենց պտղավետությամբ, որը հավասար է 100 մսաքուն 117 գառի, ինչպես նաև ըստ իրենց հարմարվածությանը տեղաշրջիկ ոչխարաբուծության պայմաններին, այդ ոչխարները արտադրական պայմաններում իրենց ցուցաբերեցին լավագույն տեսակետից:

Ներկայումս Ալագյազի սովխոզում այդ ցեղը լայնորեն ներդրվում է արտադրության մեջ և արդեն կա այդ ցեղային խմբին պատկանող 3500 գլուխ ոչխար: Այդ թվից 1000 գլուխը էլիտային և առաջին դասին պատկանող ոչխարներ են:

Նրբաբուրդ, բարձրարդյունատու նոր ցեղի ոչխարներ ստեղծելու գծով նման աշխատանքներ են տարվում և մի շարք այլ շրջաններում, և պետք է հուսալ, որ մոտակա տարիներում մեր ռեսպուբլիկայի ոչխարաբուծությունը կհարստանա նոր, Հայաստանի արոտային պահվածքի պայմաններին լավ հարմարված ցեղերով:

Լոռու տոհմաբուծական սովխոզում, ինչպես նաև Կալինինոյի և Ստեփանավանի շրջանների տոհմաբուծական ասպանձային ֆերմաներում դիտական և դործնական աշխատողների մեծ կոլեկտիվը հաջող աշխատանք է կատարում Լոռվա խոշոր եղջերավոր անասունի նոր, բարձր մթերատու ցեղ ստեղծելու և կատարելագործելու ուղղությամբ:

Զոտեխնիկների անցկացրած միջոցառումների շնորհիվ՝ Լոռվա կովերի տարեկան միջին կիթը հասցված է 2300—2500 կլգ-ի, կովերի միջին կենդանի քաշը՝ մոտ 450 կլգ-ի:

Լոռու տոհմային սովխոզի լավագույն բրիգադաներում կովերի տարեկան կիթերը հասցված է 3000 լիտրի, իսկ առանձին չլվեր տալիս են 4000—5000 լիտր կաթ:

Պետք է հուսալ, որ կաթնատու անասնապահություն վարե-

լու կուլտուրայի սխտեմատիկ բարձրացումը, մատղաշի առատ և ռացիոնալ կերակրումը թույլ կտա մոտադա տարիներում հասնելու էլ ավելի բարձր արտադրական ցուցանիշներին:

Հայաստանում, հենց պրակտիկ անասնապահ-ճագարարույծ Մ. Բագրատյանը ստեղծել է ճագարների նոր՝ սովետական Մարդեր ցեղը, որն աչքի է ընկնում կզաքիսի մորթին հիշեցնող իր մորթու գեղեցիկ երանգով: Ներկայումս այդ ցեղը Անասնապահության Խնտիտուտում շարունակվում է կատարելադործվել:

Աշխատանք է ծավալված նաև խոգարուծության, թռչնաբուծության և մեղվաբուծության բնագավառում նոր տիպեր ստեղծելու և եղածները կատարելադործելու ուղղությամբ:

Վերևում ամբողջ շարադրվածը լրիվ ակներևություն է ցուցադրում է սովետական զոոտեխնիկայի բեղունությունը, զոոտեխնիկա, որը հիմնվում է Միչուրինի—Լիսենկոյի ուսմունքի վրա՝ գյուղատնտեսական կենդանիների նոր բարձր արդյունատու ցեղեր ստեղծելու գործում:

Այդ աշխատանքները, անասնաբուծության զարգացման եռամյա պլանի մասին պարտիայի և կառավարության որոշման լույսի տակ, խանդավառության նոր վերելք առաջացրին զոոտեխնիկական կազմերի և անասնապահական արտադրության առաջավորների շարքերում: Այդ կապակցությամբ ռուսական կարևոր նշանակություն ունեն այն գեկավար ցուցումներն ու նոր խնդիրները, որը դրված է ակադեմիկոս Տ. Դ. Լիսենկոյի գեկուցման մեջ՝ Վ. Ի. Լենինի անվան Համամիութենական Գյուղատնտեսական Ակադեմիայի սեսիայում 1949 թ. մայիսի 5-ին:

Կասկած չկա, որ կոլտոզնիկներն ու սովխոզների բանվորները, միավորված դիտության աշխատողների և զոոտեխնիկների հետ, ոգևորված պարտիայի և կառավարության, մեր առաջնորդ և ուսուցիչ ընկեր Ստալինի հոգատարությամբ, պատվով կկատարեն կոլտոզային և սովխոզային հանրային մթերատու անասնապահության վերելքի վերաբերյալ սահմանված պլանը և կապահովեն կոլտոզների ու սովխոզների հետագա բարգավաճումն ու երկրում գյուղատնտեսական մթերքների առատությունը ստեղծելու խնդիրը:


Խմբագիր՝ Գ. ԶԱՔԱՐՅԱՆ

Տեխ. խմբագիր՝ Մ. ԿԱՓԼԱՆՅԱՆ Կոնտրոլ սրբագրելի՝ Մ. ՊԱՐՈՆԻԿՅԱՆ

Հանձնված է արտադրության 25/X 1949 թ.: Ստորագրված է տպագրության
28/XI 1949 թ.: Պատվեր № 502: Տիւրած 3500: Տպագր. 1¹/₄ մամուլ:

Մեկ մամուլ, 38000 տառանիշ: Վճ. 04542

Հայկական ՍՍՌ ԳԱ տպարան, Երևան, Արուսյան 124:





ԳԻՆԸ 1 Ռ.